



*Mnogima je to bio prvi dolazak u Sarajevo poslije rata*

Učenici Druge gimnazije proslavili srebreni jubilej

# Ponovni susret nakon 25 godina

Na okupu bilo skoro 140 bivših gimnazijalaca • Razmjena životnih iskustava

Srebreni jubilej mature jučer su proslavili bivši učenici Druge gimnazije generacija 1978/82. godina. Iako su te godine školu završila 424 učenika, za ovu priliku okupilo se njih skoro 140, koji su došli sa svih kontinenata kako bi razmijenili životna iskustva i evocirali uspomene na srednjoškolske dane.

Nekadašnji daci, od kojih se neki nisu vidjeli od posljednje proslave mature prije 25 godina, sa svojim razrednicima su odmjerili snage i u košarkaškoj utakmici u sali Druge gimnazije.

Prema riječima organizatorice susreta i bivše učenice Ljiljane Testen, generacija je posebna jer većina održava kontakte uprkos putevima kojima su mnogi bili prisiljeni otići, iz bilo kojih razloga.

- Ovo je prilika da svojim kolegama koji su Sarajevo napustili u ratu, a ima ih jako mnogo, pružimo priliku da upoznaju svoj grad u drugačijem ruhu kroz brošure i gradske vodiče, ali i kroz naša iskustva - ističe Testen. **I.M.**

## Ljubav iz školskih klupa



**Bračni parovi Krajina i Grgić sa razrednicom**

Danijela i Nihad Krajina, te Deniza i Nenad Grgić su ljubav iz školskih klupa ozvaničili i brakom.

- Nemamo priliku da se često vidamo, ali danas smo ra-

zgovor nastavili tamo gdje smo stali prije 25 godina, što potvrđuje kvalitet ljudi, ne samo u profesionalnom nego i u prijateljskom smislu - rekla je Danijela Krajina.